

銅山縣志第十四篇

古蹟攷上

大彭立國肇自中古商大夫之壽世或傳其羽化登仙遺蹤雖邈父老豔稱夔哉尙矣楚漢戰爭之場南北朝屯戍之所遺臺故壘掩翳榛莽陵谷迭變風煙猶昔憑弔之士慨焉傷之僕射毬場渺不知處昌黎風諫今則猶傳泊眉山長公來守茲土文采照耀賢豪輩集履舄所至山川生色流風餘韻沾被何窮至若阿育古寺亞父高冢善長所紀或廢或存並足助攷古之資發懷舊之感者也搜討幽遐蒼叢成卷俾後之嗜奇者得以覽觀焉

彭城故城

銅山縣志

卷十八

古蹟攷

一

元和郡縣志州理城貞觀五年築其外城卽古大彭氏國姜州志城在大彭山下距今城西三十里又清一統志大彭山下相傳大彭氏始封於此今山之左右猶稱大彭村方輿紀要引志云今城東北八十里有彭城故縣或以爲漢縣蓋治此案彭祖遺蹟多在今縣治疑元和志之說爲長方輿紀要一統志雖並存他說而於彭城下仍皆注卽今治水經注獲水下徐州治城內有漢袁安魏徐庶等數碑列植街右咸曾爲楚相也天下碑錄云在子城南門外百步今碑文俱佚又云彭城縣北

有魏樂安長劉世碑今案其碑不知所在唐懿宗敕徐州地當沛野軍本驍雄實爲壯國之都固協建侯之制況山河素異土俗甚殷豈欲削卑挫其繁盛蓋緣比因稔禍或至亂

常罪由己招孽非天作桂林叛卒繼有逆謀塗炭生靈
首尾周歲殺傷黎庶汚染忠良所不忍言尋加翦滅是
以卑其鎮額隸彼藩方近屬大兵以來饑年薦至且聞
軍人百姓深恥前非願行舊規却希建節朕每深軫念
思致小康特示渥恩復其軍額宜賜宣徽軍綾絹十萬
匹助其宴犒必獲周豐其徐州都團練使改爲感化軍
節度徐宿濠泗等
州觀察處置等使

呂城

在城東南五十七里春秋宋邑漢縣隋廢詳沿革表元和郡

縣志呂梁故城臨泗水高百四十尺周十七里此城東

二里有三城一在水南一在水中渾上一在水北並高

齊所築立鎮以防陳寇案後文下碭磧泉呂梁三成事見宋梁而地皆在州東南與呂

城相近疑元和志所云三城即其三成至謂並高齊所築無據故方輿紀要但云蓋高齊所築也舊州

志呂梁城在州東南呂梁洪東岸明嘉靖四十三年築

銅山縣志

卷十八

古蹟攷

二

城周五百餘丈工部分司署在焉又方輿紀要呂梁洪

上有二城一曰雲夢一曰梁王土人謂雲夢爲韓信梁

王卽彭越又洪西岸有尉遲城同治府志云舊志本方

輿紀要呂城下注謂爲尉遲敬德所築蓋始於趙孟頫

關尉廟碑案敬德未嘗督徐州惟魏尉元用兵呂梁疑

是尉城後人訛爲尉遲附會敬德

梧廢縣

漢縣東晉廢見沿革表今故城不知所在

南陽平故城

劉宋僑立陽平郡魏改爲南陽平郡徙治彭城周廢詳沿革表

方輿紀要在州西清一統志在縣北

濮陽廢縣

劉宋僑置周廢

詳沿革表

方輿紀要在州西北五十里寰宇

記作舞陽城誤也案今本寰宇記彭城縣有樊噲墓實

無舞陽城近志但有舞陽城不載濮陽縣江南通志有

舞陽城而云或曰濮陽之譌乾隆府志載舞陽城而並

錄方輿紀要說同治府志載濮陽縣謂宜據顧說為是

今從之又案漢書地理志潁川郡舞陽縣應劭曰舞水

出南水經注濰水歷舞陽縣故城南漢高祖六年封樊

噲為侯國元和郡縣志許州舞陽縣本漢舊縣屬潁川

郡在舞水之陽因名漢封樊噲魏封司馬宣王並為舞

陽侯皆此邑太平寰宇記同括地志舞陽故城在葉縣

銅山縣志

卷十八

古蹟攷

三

東十里清一統志舞陽故城在今河南南陽府舞陽縣

西據此諸書則舞陽城不應在彭城境明甚今土人仍

呼其地為舞陽城或以有樊噲墓及廟因而附會歟

垞城

元和郡縣志在縣北二十六里或曰古崇侯國兗州人

謂實中城曰垞太平寰宇記在縣北三十里面臨泗水

水經注泗水逕垞城東城西南有崇侯虎廟道淪遺愛

不知何因而遠有此圖方輿紀要蓋南北朝時戍守處

也今謂之茶城為運道所經明嘉靖末黃河北徙城遂

為漕黃交會之衝後河口東移茶城乃為內險

呂布城

方輿紀要在州東南八十五里元和郡縣志曹公故城在縣東南六十五里呂梁東岸或言曹公築此以守呂布西岸有城臨水是布之所固也號曰呂布固太平寰宇記呂布城在縣東南五十里引魏地形志呂布自下邳與曹操相持築城於此案今地形志無此文舊志在呂梁南二十五里一名戰臺塹壘猶存

彌黎城

道光舊志在城西南水經注獲水東逕彌黎城北劉澄之永初記所謂城之西南有彌黎城者也方輿紀要稱志云今州南二里有古迷劉城姜州志迷劉城下云今城南五里許太山下俗稱劉城臺相傳漢軍敗於楚不

銅山縣志

卷十八

古蹟攷

四

知高帝所在處同治府志謂蓋彌黎之譌也

灰城

方輿紀要州西北百里有灰城同治府志列入沛縣云疑卽虺城之譌道光舊志城西北一百里世傳漢高帝所築一云卽古仲虺城分屬銅沛二縣案今爲砦在城西北九十里實爲銅境

食城

舊志世傳漢高帝嘗犒師於此故名方輿紀要州西北百里有灰城又二十里有倉城皆昔時頓兵貯糧之所同治府志引之云倉蓋食字之誤以境地攷之當入銅境嘉慶元年河決奪食城河浸沛縣知河以城得名也

案今爲砦所轄村集分屬銅豐兩縣距城百里
武安廢城

元置州於此旋廢詳沿革表方輿紀要在州南五里舊志城南二里許今爲廣運倉地

胡山城

舊志明崇禎閒築以禦流寇今廢

徐州左衛城

同治府志在雲龍山東麓

高冢戍

通鑑梁天監五年張惠紹攻魏彭城圍高冢戍道光舊志在州南後魏所置卽亞父冢

銅山縣志

卷十八

古蹟攷

五

下磕戍

舊志在州東南魏書尉元傳天安元年薛安都以徐州降魏宋張永沈攸之討之屯於下磕

蹟泉戍

呂梁戍

通鑑梁武帝太清元年蕭弄璋攻東魏蹟泉呂梁二戍拔之方輿紀要蹟泉在呂梁東

小市門

江南通志小市門卽府城通津門北史李孝伯傳太武至彭城登亞父冢以望城內遣送其俘蒯應至小市門宣詔勞問義恭卽此同治府志城西有小市門宋書張

暢傳太武南侵至彭城遣使至小市門求與孝武相見
孝武遣長史張暢於城上與魏尚書李孝伯語即其地
白門

唐書崔彥曾傳張玄稔攻徐州案時龐勛徐吏路審中

率死士應官軍開南白門即此詳紀宋蘇軾過張天驥

詩肩輿白門道舊志相傳即今南門路也唐皮日休白

徐卒無狀叛兵逐其帥不再日剽公私財祈盡異時卒

有大將不職正其罪卒有首叛者前後累劫其將曰銀刀

是命皆僂之無赦將至先令徐裨將曰銀刀族無老幼

或僂者斬之弱者幽之及徐之枝邑派聚捕銀刀族且盡

懼僂皆論幽于牢迨六七百人且俟大將命業兵之居

無何徐上憫徐卒盡死中或有不干其謀者偕僂降內貴

數郡於徐未至屬所途亡為盜四年夏盜推其六七百人徐入

銅山縣志

卷十八

古蹟攷

六

火里舍將縣令誅制使係虜民輜而掠貨徐守閉申城
竟不命偏將禦之盜得志徐去四年秋進士皮日休之
白門道逢徐民之耄者泣曰翁之資已竭于徐子孫嗣其業
祈二百年前日徐卒以徐卒亂翁之資已竭于徐子孫嗣其業
者居無三千人耳遇聖天子在上四境無征伐重糧其屬
厚衣其徐卒有哺兒啜孫至死手不執干戈體無被鎧甲
者上于徐卒厚矣今乃忘上恩叛主帥逐天子命將殘
天子兆民如此逆之甚也上又活其半今反盜而寇徐
前日翁之亡獨與產耳今又活其半今反盜而寇徐
餘骸殘齒濫然無取嗚呼皇天仁于數百萬人反不仁于
一郡豈得言者過耶且兵者聖王不能免其征仁帝不
能無其伐是以逆者必殺順者必生所以示天下不私
也往年數萬之卒逐天子命將自樹其便者國家以不
忍盡殺一州之主也故春秋譏世卿得專公祿者以春
列藩實一州之主也故春秋譏世卿得專公祿者以春
秋小國尚賤而不空今聖天子在上百執事稱職而
方雀息以無虞四夷奔而人貢哉前日徐卒幸活而
為盜於民時苦國家無辱或不盡僂而赦之則自樹其
便者日休曰翁其力之賢者耶吾知夫今之食其食者
未必有翁之是心也幸以文貢而未得入今之言列固不
合陳便宜事因採翁之說為表庶天子召直言極諫者

得以遺之

西楚故宮

姜州志在今州治內宋時猶存稱曰霸王殿後廢蘇軾答范純甫詩重瞳遺迹已塵埃惟有黃樓臨泗水自注云郡有廳事俗謂之霸王廳相傳不可坐僕拆之以蓋黃樓案今府治後有霸王樓不知蘇軾拆後何年何人重建樓前有道光閒重修碑今半圯

大彭館

道光舊志在城內引府志云在城西南唐時郵傳所經亦為迎餞之地以古大彭國為名唐書崔彥曾傳彥曾為徐州觀察使龐勛作亂囚彥曾大彭館舊唐書時溥傳軍人大呼推溥為留後送支詳於大彭館即此

銅山縣志

卷十八

古蹟攷

七

清東學館

魏書蕭寶夤傳神龜中為徐州刺史起學館於清東

任山館

唐書崔彥曾傳彥曾命都虞候元密伏甲任山館擊賊

利國監

舊志在城北少東九十里漢書地理志彭城有鐵官唐書地理志秋丘治有鐵宋史地理志置利國監主鐵冶太平寰宇記利國監本徐州之狄丘治務烹鐵之所今升為利國監以董其事

寶豐監

舊志在府治東宋史地理志元豐六年置鑄銅錢八年廢

懸水村

姜州志在呂梁洪東南宋蘇軾答呂梁仲屯田詩亂山合沓圍彭門官居獨在懸水村自注懸水村呂梁地名案莊子列子並云孔子觀於呂梁縣水三十仞流沫四十里清一統志呂梁洪下引之莊列寓言非必實事懸水村蓋卽附會得名

雍門村

太平寰宇記雍門城在縣東南五十里桓譚新論云雍銅山縣志

卷十八

古蹟攷

八

門周彈琴見孟嘗君姜州志呂梁洪北卽古雍門故以名村

雙井村

舊志在洪之東南泉源出勝雲山東西二井相向井有鮒旱浚之則雨

白鶴村

舊志在今五鄉地宋嘉祐七年其地生麴

彭祖宅

舊志在城西北隅宅有井

樓井互見

廉里

漢書龔勝傳勝居彭城廉里後世刻石表其里門水經

注彭城西北舊有楚大夫龔勝宅卽楚老哭勝處也
瀆上

漢書韋賢傳韋孟家本彭城後徙於鄒作詩曰夢我瀆
上立於王朝應劭曰瀆上孟所居彭城東里名舊志孟
徙里一名瀆上

安上里

宋書劉延孫傳劉氏居彭城者分爲三里左將軍劉懷
肅居安上里豫州刺史劉懷武居叢亭里帝室居綏輿
里案綏輿里在今
蕭縣綏輿山下

叢亭里

見上舊唐書劉子玄傳劉知幾論彭城叢亭里諸劉是

銅山縣志

卷十八

古蹟攷

九

也

東里

宋陳師道所著文每自署東里蓋卽其所居地又常自
署彭城縣王鄉任化里

張山人園

舊志在黃茅岡下宋山人張天驥隱居於此今雲龍書
院卽其地案宋蘇軾有雲龍草堂石磬詩疑草堂卽在
園內今無可攷石磬亦無存

恭安齋廬

舊志元州人彭克溫築臨川吳澄爲記

河南侯宅

舊志侯謂陸聚明洪武初守徐十年罷歸徐州左衛地
卽其故址

青泥院

明州人萬壽祺故宅清孫運錦明侍御萬公傳云公家

徐之北關案侍御壽祺父青泥院當在北關但今無能

碣指其處者萬壽祺青泥院記彭城羣山帶郭岡嶺四合河水出焉每伏夏溽暑盛雨時行道路

之側石趾斷跟纍纍充積高下其狀不一自遙望之若

放羊豕至郭門而止土人不知收取或為河流所蝕崩

岸相續沒於河中其在高阜者又往往運積垣腳與牛

驢糞洩雜處崇禎七年秋予既家居乃始就宅東舊屋

稍葺治之為室五驅童僕行山中取力所能勝者得石

三四百枚移置高下因地勢為之而以青泥補其罅雜

種卉木當春景明朱英引秀時鳥變節清秋佳月蟲仰

露泫夜靜人起四候之中動靜萬狀當清暇之日居山

川之都敷坐治書以娛志養息良可樂也

銅山縣志

卷十八

古蹟攷

十

崔泉山莊

在城東南女娥山麓壽祺別業也

陞西草堂集有今廢崔泉山莊詩

逍遙堂

道光舊志宋蘇軾建在府治內久圯蘇公自書額無存

清知州孔毓珣重建亦圯知州姜焯改建草堂顏曰來

鶴軒後知府石杰仍以逍遙堂額之光緒十八年圯知

府桂中行重建案舊州府志皆云蘇軾與弟轍嘗宿此

各有詩不云建也又案玉堂閒話云徐州使宅有鵬堂蓋多妖狐故畫鵬於中今不知處

秀楚堂

明一統志宋元祐中知州孫覺建自記云廣陋適中侈

儉合度燕申起居既便且安舊志在州治內歲久圯康

熙六十年知州姜焯重建案今廢

明善堂

明一統志宋元祐中知州杜純建舊志在州後圃久廢
康熙十三年知州孫枝蕃改建樓於其址案今亦廢

鮮碧堂

舊五代史湘陰公贊傳有鳥翔集鮮碧堂庭樹同治府
志云贊為徐州節度時使院即今府署案宋皇祐前節
度使署在今鎮署詳建置府署鎮署下

會墨堂

舊志在呂梁下洪明嘉靖二十二年主事陳洪範建有
趙孟頫碑及諸刻故名又有大觀堂在呂梁分司公署

銅山縣志

卷十八

古蹟攷

士

迤北初名退省軒宏治十年主事來天球建嘉靖二十
五年主事曹英拓新之都御史趙大佑易此名今俱廢

楚山堂

舊志城北萬會橋之涯元總管錢光弼建

按光弼徐州人見人物傳

戲馬臺

水經注彭城南有項羽涼

一作涼

馬臺元和郡縣志項羽

所造戲馬於此太平寰宇記宋武北征至彭城立第舍
於戲馬臺九日會將佐百僚賦詩方輿紀要宋元嘉二
十七年魏太武南侵立壇屋於戲馬臺以望城中宋蘇
軾云臺高十仞廣袤百步有事則可用屯戍與城相表
裏舊志在城南一里項羽因山為臺

案此山舊名南山見宋陳師道詩明

天啟開戶部分司署以觀戲馬故名循磴而上傍有石
移其上遂名戶部山崖雜勒古歲月名氏文皆隸書筆法遒勁剝落不可讀
案隸書今已無存惟有明莫與齊書戲馬臺三字碑臺
久圯清光緒十五年徐州道段喆重建基址狹小非所
謂高十仞廣袤百步之舊矣

東巡臺

三國志魏文帝紀黃初六年八月帝遂以舟師自譙循
渦入淮從陸道幸徐九月築東巡臺

毬場

唐韓愈汴泗交流贈張僕射詩所謂汴泗交流郡城角
副場千步平如削者也同治府志名毬場後圃引太平

銅山縣志

卷十八

古蹟攷

三

寰宇記在徐州城角韓退之爲張僕射節度推官屢以
擊毬爲諫案今無此文

彭祖樓

水經注彭城東北角起層樓於其上號曰彭祖樓其樓
之側襟汜帶泗東北爲二水之會也聳望川原斯爲佳
處矣太平寰宇記魏神龜二年刺史元延明移彭祖廟
於子城東北樓下俗呼樓爲彭祖樓舊志有石刻彭祖
樓三字久毀案樓清光緒初猶存今圯同治府志謂順
治閒淮徐道項錫胤移建城南誤

燕子樓

明一統志在州城西北隅南畿志在州廨中
案此誤亦以州廨爲

節度使姜州志在唐張尙書尙書原作建封舊署也依同治府志改舊第中尙書有妓妾名盼盼尙書卒盼盼獨處樓上十餘年而卒俗傳卽城西角樓非是光緒九年知府曾廣照於西南城垣上重建十五年徐州道段喆復移於其西北盼盼事詳列女傳

黃樓

宋蘇軾建其書子由黃樓賦後云子城之東門當水之衝府庫在焉而地狹不可以爲甕城乃大築其門護以磚石府有廢廳事俗傳項羽所作而非也惡其淫名無實毀之取其材爲黃樓東門之上元豐元年八月癸丑樓成九月庚辰大合樂以落之嘉靖州志俗傳卽城東

銅山縣志

卷十八

古蹟攷

三

角樓恐誤道光舊志軾卽城之東門爲大樓堊以黃土爲土能勝水也今在東北隅城塙上順治十六年防河同知魏裔魯康熙六十一年知州姜焯道光四年徐州道吳耆德銅沛同知胡晉相繼修同治十年同治府志作十一年

徐海道吳世熊知府朱忻復修右側度黃樓賦石刻

吳清

耆德重修黃樓記徐州地濱大河易被水患宋蘇文忠公守徐州時河決擅淵所至泛溢及州城下公預爲備當水勢且急公令民勿出身伍夫卒殫計力爲防捍城卒以全夫以公之學術經濟所盡心於民者豈有量哉此固其一端而已水既平乃增築其城因建樓於城之東堊以黃土取諸制水之義非區區恃厭勝也以無窮之心爲民計長久一旦身去將無所援力故假物以祝之其用意深且遠也前河帥黎襄勤公督河十二年宣房盡瘁歲以安瀾告余承乏徐州重以襄勤公之多所指陳有以見公忠勤至意因追懷曩績慨然於黃樓之將就圯也乃請於襄勤公撤而新之公欣然以爲宜樓舊在東門上至金末猶如舊後乃徙東北隅歲久而圯

重建於我朝順治戊戌襄河同知柏鄉魏公裔魯再建於康熙壬寅知州東萊姜公焯乾隆甲辰高宗純皇帝南巡天章炳煥勒碑樓中前賢遺跡不亦彰歟自古勝跡之傳皆以人重賢士大夫有足表見於當世其生平遊轍所止一堂一亭偶然而爲之者雖閱千載人常求其址於荒烟蔓草間或踵而作焉以存其舊娛覽之地猶然而況於政績所寄其稱名小而取義大者乎存斯樓以垂永久尤必有得於公之居心行政也已役也及見斯樓之成也工既成謹爲之記

奎樓

道光舊志在東南隅城隍上乾隆二十四年淮徐海道何達善創建俗名拐角樓光緒十五年徐州道段喆移建於東門外案康熙元年淮徐道項錫胤重修徐州城垣碑記云古先相傳如奎樓黃樓彭祖樓燕子樓諸勝咸飭之還其舊觀是奎樓之建不始於何達善也

銅山縣志

卷十八

古蹟攷

古

快哉亭

在城內東南隅舊志宋熙寧末李邦直持節徐州卽唐薛能陽春亭故址構建郡守蘇軾名曰快哉同治十一年徐海道吳世熊重建

陽春亭

光緒十五年徐州鎮董鳳高徐州道段喆醵貲於快哉亭之東北偏重建

放鶴亭

道光舊志在雲龍山上宋山人張天驥築歲久亭圯明嘉靖十一年都御史戴時宗卽故址重建後副使王樞等相繼修葺清康熙五十七年知州姜焯重修同治十

一年徐海道吳世熊增修光緒三十二年知府田庚繼

修復於亭東北初建船廳亭內有明董其昌書重修放

鶴亭碑又宋賀鑄遊雲龍張氏山居詩序云亭下有小

屋曰蘇齋壁間榜眉山所留二詩及畫大枯株醉筆今

無存宋蘇軾放鶴亭記熙寧十年秋彭城大水雲龍山

居之東東山之麓升高而望得異境焉作亭於其上彭

城之山岡巒四合隱然如大環獨缺其西十二月而山

之亭適當其缺春夏之交草木際天或立於陂田或善

色風雨晦明之閒俯仰百變山間有鶴甚馴而善飛

且則望西山之缺而放焉縱其所如或立於陂田或善

於雲表暮則僚東山而歸故名之曰放鶴亭郡守蘇軾

而告之賓客僚吏往見山人飲酒於斯亭而樂之揖山

易曰鳴鶴在陰其子和之詩曰鶴鳴於九臯聲聞於天

蓋其為物清遠閒放超然於塵垢之外故易詩人以此

賢人君子隱德之士狎而玩之宜若有益而無損者以

衛懿公好鶴則亡其國周公作酒誥衛武公作抑戒以

銅山縣志

卷十八

古蹟攷

五

為荒惑敗亂無若酒者而劉伶阮籍之徒以此全其真
而名後世嗟夫南面之君雖清遠閒放如鶴者猶不
好之則亡其國而況於鶴乎由此觀之其為樂未可
者猶不能為害而況於鶴乎由此觀之其為樂未可
同日而語也山人忻然而笑曰有是哉乃作放鶴招
之歌曰鶴飛去兮西山然何所見矯然而下擊獨終
然斂翼婉將集兮忽何所見矯然而下擊獨終日於
谷之間兮啄蒼苔而履白石鶴歸來兮東山之陰其
有歸兮黃冠草履葛衣而鼓琴躬耕而食兮其餘以
飽歸來歸來歸來歸來歸來歸來歸來歸來歸來歸來
入東遊厭王氣漢祖心自疑避匿山中呂后輒得之
皇所居有雲成五采而赤帝子斬白帝子蓋龍德也
彭城之有雲龍山其得名當以此山有放鶴亭隱君子
張天驥故居蘇子瞻所為作記者雖至今不廢然荒
久矣高邑潛穎張大夫以分司倉廩至數登其巔弔古
懷賢將撤而新之念徐方震鄰重以傲水時誦舉羸躄
蹶四顧節縮大和會於是飛蕤畫棟延敞虛明以宮
公帑不煩民大壯觀矣落成之後余適以使人還朝
墟翼以山堂而觴之曰吾聞大夫之舍何常也周爰咨
於我何有哉第登高能賦大夫之舍何常也周爰咨詢使臣

之職也民之失德乾餼以愆我寄情吏隱之閒而巳不
之禮也堂成而三善舉焉非直寄情吏隱之閒而巳不
可以無記余惟子瞻引衛懿公事謂國君之寵鶴不若
山人之放鶴得自全其高者此未爲篤論也此使衛公
公劉乃積乃倉之糧曾孫如京如坻之粟以此進戰孰
能勝之而鶴之乘軒庸何傷彭城用武之國也項羽嘗
自王其地矣羽起徒步摧強秦鉅鹿之戰威名豈出淮
陰下而終以不振蓋高祖有鄼侯能輓關中粟以濟軍
興之乏而羽爲漢軍絕餉道故其強易弱耳今天子懲
鄒滕之役命征西大將軍蕭公提重兵鎮彭城而大夫
精心計調兵食一洗脂膏之陋庶幾士飽馬騰以伐萌
於不戰是桓文之烈也衛懿云乎哉山三面臨水瀾漫
無際壹似西湖之孤山孤山林君復放鶴處也子瞻習
於西湖者乃莽蒼悲壯之區恍然激澗空濛之致而覲
面若忘不爲拈出何耶豈陵谷之變昔與今殊將山川
之靈待時而顯耶黃魯直以飛仙目子瞻倘其化鶴復
還不但歌城郭之名是而已大夫
以爲何如大夫名璇高邑人

試衣亭

清一統志在雲龍山下乾隆二十二年二十七年三十

銅山縣志

卷十八

古蹟攷

去

年四十九年南巡有御書試衣亭攷辨勒石於壁案亭
之南又有送暉亭俱在大士巖前皆道光二十三年僧
文和募修其刻石云大士巖殿創始於前州守姜公焯
殿之前有亭翼然取坡公詩名之曰試衣卽以送暉亭
儷焉

望嶺亭

同治府志宋蘇軾詩刻云僕在彭城大水後登望嶺亭
偶爲此詞已而忘之其後徐人有誦之者徐思之乃知
其爲僕詩也

望湖亭

道光舊志雲龍書院東岡上有舊望湖亭迤西南有舊

可廊小樓案亭為清順治十四年戶部分司丁浴初建
有碑康熙中知州姜焯重修

萃墨亭

道光舊志在城東南百步洪洲上明成化中主事尹珍
於洪東崖石閒得石刻一上書郡守蘇軾山人張天驥
詩僧道潛月中遊十六字蓋蘇軾守徐時筆也因建亭
洲上名曰蘇墨陷石壁閒正德末亭壞主事李香築臺
重建更今名自為記今廢又同治府志清風堂追勝亭
皆在蘇墨亭旁亦尹珍建今俱廢東崖石刻亦沒于河
明鄒守益萃墨亭記昔蘇文忠公偕山人張天驥詩僧
道潛乘月遊百步洪紀十六字于石成化庚子督洪主
事尹君廷用獲之水中作亭于洪之洲以覆之名曰蘇
墨旁建清風堂追勝亭士君子各賦而記之比年河決

銅山縣志

卷十八

古蹟攷

七

豐沛徐多水患亭悉圯正德己卯陸君德如葺之比復
圯嘉靖二年李君汝蘭輦石築基復作亭其上置蘇墨
及諸碑刻賦咏名之曰萃墨予將之廣德汝蘭以記請
嗚呼十六字之存毀於東坡何加損而諸君倦倦收拾
瞿然戚其淪沒者豈繫重其墨將重其人而文忠公天
才駿逸而記問浩博有傲睨一代凌厲萬類之氣舉寵
利窘困不足以縛之故立朝守官侃侃自立而野叟繼
流江風山月無往而非超然之境世之愛仰之者如朱
鳥黃鵠冥不可睹雖其殘翮零羽猶將珍而藏之彼冒
利怙權以擠公者不啻鳥獵之聲聞而惡之矣凡登斯
亭撫斯墨者其惕然尚友于公正直自持勿隨人頹仰
以日進于高明庶後之愛仰之者亦將復如公也汝蘭
才充而年富沛然有願學之志因貽此以勉
之並以諭後之督洪事及四方之來遊者

觀道亭

舊志在呂梁洪塔山巔上有先聖石刻像明嘉靖十四
年主事張鏜建亦名川上書院或謂即子在川上處又
有觀瀾亭在洪之東澣聚益亭在大觀堂東又嘉靖十

五年副使宋圭於廳事西建射圃二十五年副使王樅益拓修之復為觀德亭案觀道亭清乾隆三十三年知

府邵大業五十六年淮徐海道康基田重修今俱廢

大業重修塔山觀道亭記呂梁山稍南曰塔山有亭曰觀道又曰川上奉孔子壻張鏗分司寇像考之石為前明嘉靖工部員外郎孔氏壻張鏗分司寇像考之時所建久就圯由山而南至河濱則有故宮三楹亦奉孔子石刻像二楹壁頽然每夏秋水漲輒沒於驚濤齧浪之中志不載輿建之由而稱呂梁舊有城意者廟隨城立城壞而廟與俱廢歟乾隆丙戌余過其地登山臨河怒焉傷之越丁亥孔氏六十八代孫傳洙巡檢茲地因與謀所以新之者傳洙曰亭未盡圯也請還其舊奉司寇像而撤廢宮之材建堂於亭後奉石刻像一其則並奉於亭不構新材不事丹黝朴固可久費不煩而工易訖其可乎余曰可哉於是傳洙踴躍興事而縣令施君恩祖與一時紳士慕道者釀金鳩工欣然樂從不二月有堂巍然有亭翼然石垣堦阨靡不具舉三石像咸得所位置余率僚屬仰而瞻俯而拜高望而遠思肅如穆如也竊維聖廟自郡縣建立外例不得私祀而勒像尤非制也願

銅山縣志

卷十八

古蹟攷

夫

聖迹所到後世榮之往往張皇其事如石門歷下問津請見諸勝迹鑄像立石所在都子所稱觀水呂梁事即不悖於道塔山近呂梁舊說莊子所稱觀水為無稽矣彭茲地而附之者謂川上之歎發於此是為無稽矣彭城自漢唐宋以來名勝羅列如鶴之亭以及大彭之館陽之城道遙秀楚之堂陽春放鶴之亭以及大彭之館燕子之樓靡不誇諸志乘而名公碩彥弔古之徒遊其地者亦無不循文考跡形諸詩歌發為咏歎如恨不及見者矧夫尼山之辨也願忍聽其所存其倍蓰什百於前所稱者不待知者辨也願忍聽其所存其倍蓰什百於前哉且茲故閔子張之鄉也其於聖門為尤近而風俗好尚近茲義知恥昔人謂類於齊魯其於聖門為尤近而風俗歟傳洙請伐石紀其事乃為著其興廢本亭不更有繫發其義以見此役之非徒為好古而已是為記